

四修谱序一

严塘何氏族谱告成董正寓书於年谓自国家变法以来国粹凌夷弗胜浩叹予曷序之不禁有感而言曰呜呼人道之沦也于此可以识世变矣夫古今掌故太上登于朝其次修于学降而求诸野所志微也昔周盛时小史掌邦国之志辨昭穆奠世系墓大夫记族葬而为之图亲亲尊尊仁道备矣秦皇任用李斯焚书坑儒以愚黔首改封建为郡县而宗法遂亡此天下之一变也汉唐以来仕宦多世族在官有薄状在家有谱系历代又有图谱局置郎令史以掌之用博士知撰谱事故欧阳新唐书犹据以为宰相世系表流及五季壤乱极矣图谱之局废人材之途杂下凌上替纲纪蔑如此天下之又一变也宋与庐陵谱欧阳中缺三世眉山谱苏自益州长史味道至高祖世次不可纪南丰谱会司空与刺史其父子兄弟之伦久而始定以三子之博通宏达犹恨阙如甚哉考古之难也而程子谓管摄人心收宗族厚风俗使人不忘本必须明谱系建祠堂定宗法遂乃酌古准今垂为典礼则先王之遗意犹有存焉者逮元而明而清凡厥长官耆德鲜不郑重乎谱学焉无如清之末主竊臣妖裂冠毀冕变本加厉助

其燄而扬其波四维不张国乃灭亡此天下之又一变也以故老师宿儒穷居野处伤祸至之无日莫不惴惴焉日抱数典忘祖之忧矣夫是谱之作始宋末乾公隶江南淮安籍乾生元元生始始生舒敬元时为江西泰和县尹因家焉舒敬生育武元季迁湖廣宝庆路厥子四叔曰元善教授宝庆卜居郡北之严塘以何氏族大庞多尚难原原本本溯所自出如宣父删书断自唐虞矧其时干戈不息文献渐泯守阙抱残焉得不亟亟于是乎易曰同人于野亨又曰同人于宗吝殆在下之君子穷而善用其私欤今读是谱若者为循良吏若者为名孝廉固余之父执也若者吾故人昔之钓游与俱者也若者为群从子弟行莫非敬事我者也嗟嗟阅世生人阅人成世日月逝矣感慨系之我生之初数十年而一变又数年而一变上而溯诸五季之朝不千年而一变又上而溯诸嬴秦之代千余年而一变今之视昔亦犹后之视今吾不知天时人事之迁流复何极也昔者莆中二蔡并祖君谟砥节砺行以劝来者马璘读伏波傳奋然而知感何自授氏以来并之节武之识光照班史东京六姓何氏称最琦炯之孝友点蕃之卓巽休与佟之以儒林傳逊与景明以文苑名论经济则有